

新纂雲南通志卷四十五目錄

地理考二十五

官署二

臨安府

楚雄府

澂江府

廣南府

順甯府

新纂雲南通志卷四十五

地理考二十五

官署二 附倉庫善堂

臨安府

建水縣

督學考場 在城內東南即建水州舊署雍正志 清乾隆五十七年知府

張玉樹重修建水縣志同治三年移建於黌宮之右光緒志

知府署 在城內明洪武二十二年通判許莘建後知府賴瑛昌應

時繼修清康熙二十七年知府黃明增修雍正八年知府張無咎

重修雍正志嘉慶三年知府江濬源重加修葺臨安府志

同知署 在府署內雍正志清道光二十六年移駐雙水塘光緒九年復

新纂雲南通志

卷四十五 地理考二十五 官署二

移駐曲江光緒志

經歷司署 在府署內雍正志

教授署 在明倫堂左雍正志在學宮右道光志

訓導署 在明倫堂右雍正志在學宮右道光志

道光志案舊志有司獄司署在府署內今裁廢

廣濟倉 與足倉 臨安府廣濟倉與足倉會典事例

府大倉 名慶豐倉臨安府志在城內西隅雍正志

萬盈庫 臨安府萬盈庫會典事例在府署旁雍正志

知縣署 知州署在城內西北隅即督學舊考場原在西門外元時

建明洪武十二年移建於城內東南後兵燬清康熙七年知州李

瀨重建三十三年知州張鼎昌詳以考場易為今署雍正志因桁楊隣

於聖域道光二十六年經總督林則徐批准改建至同治三年復

移建於城東南隅與考棚互易光緒志

教諭署 在明倫堂後雍正志 在學宮左道光志

訓導署 在明倫堂右雍正志 在學宮左道光志

曲江巡檢司署 在城東北一百二十里曲江箐口關雍正志 今駐沙壩

之大寺光緒志

典史署 吏目署在州署內雍正志

道光志案今改為典史署

縣倉 建水州大倉會典事例 一在城內 一在曲江雍正志

常平倉 一在舊倉前雍正志 即綏豐倉清康熙六年知州李瀕建臨安府志

一在曲江舊志 雍正五年知州祝宏建臨安府志

新纂雲南通志

卷四十五 地理考二十五 官署二

二

曲江倉 在曲江係通海縣倉 一在館驛城雍正志

社倉 在普雄李家莊曲江羅家坡馬王莊南莊共六所臨安府志 俱經兵

燹燬光緒志

夏義倉 始於清乾隆四十年紳士置租創立道光間育嬰堂管事

廩貢王時熙等復以堂內贏餘添置田租每年得租穀三百六十

餘石郡人王恕捐銀貳百兩收息買鹽以六月中新穀未登每人

給米一斗鹽一斤咸豐六年兵燹後租息廢弛同治十一年經紳

管清釐得穀二百餘石除納糧費用外按人多寡酌給又以育嬰

堂餘銀二百五十兩交鹽商每年收息鹽一千觔分給光緒志

冬義倉 在東林寺明紳士置田收租以濟貧民後廢清康熙七年

知州李瀕清出照舊收發後知州吳元念捐鹽一千五百觔搭米

賑放乾隆五十五年知府張玉樹重加清釐舊租五百五十市石
新增四十石每歲冬月每人給米一石鹽一觔臨安府志至咸豐六年後
迭經兵燹已廢光緒三年知府孫逢源委紳士清釐復舉舊章惟
田多荒蕪租數較絀於前每歲量入酌給光緒十年郡人席永春
捐銀二百兩生息買鹽添發光緒志

惠育堂 即育嬰堂在東門外清雍正七年知州祝宏捐修置租養
贍雍正志道光三年職員王恕捐貲重修建水縣志

育嬰堂 舊址在城東太史巷福東寺左久廢清嘉慶十七年知府
王善埏知縣郭輝翰重建於沙河準提閣旁建水縣志咸豐六年因亂移
入城內玉皇閣光緒志

掩骼所 在城東晏公巷邑士民捐貲置田施棺并年底製衣袴散

給貧民建水縣志

臨元澂江鎮總兵官署 在北門內舊察院行署雍正志清光緒四年總

兵黃仁遺請款補修光緒志

中營游擊署 在南門內雍正志清光緒四年補修光緒志

中軍守備署 在南門內雍正志在羊市街清光緒四年補修光緒志

左營都司署 左營游擊署在東門內雍正志清乾隆十九年改為都司

署建水縣志同治十三年移置曲江駐王旗營新建昭忠祠光緒志

中軍守備署 在西門內雍正志在文廟右清咸豐元年移駐新平作元

新營右軍守備光緒志

右營都司署 右營游擊署在西門內雍正志清乾隆十九年改為都司

署建水縣志道光十五年移駐蒙自道光志

中軍守備署 在南門內雍正志 清嘉慶二十三年移於簸巖汛建水縣志

汛防千總署 在城內光緒志

汛防把總署 一在曲江汛 一在大石洞汛光緒志

演武場 在城外西北雍正志 清光緒六年知縣章于錦請款重修光緒志

石屏州

知州署 在城內明洪武十六年建清康熙十年署州劉維世重修

雍正志 乾隆二十一年知州管學宣重修石屏州志 光緒三年知州楊華本請

款補修光緒志

學正訓導署 在學宮左右雍正志 道光志 均坍塌光緒志

吏目署 在州署內雍正志 年久傾圮清乾隆四十三年吏目李沂重修

石屏州志 年久坍塌光緒八年吏目楊景清捐廉重修光緒志

道光志案舊志有巡檢司署在州西三十里寶秀鄉今裁廢

州倉 石屏州育賢倉一在州署內里一在城北雍正志

豐盈庫 石屏州豐盈庫會典事例

社倉 一在城內 一在寶秀巡檢司署一在海東官房內石屏州志 城內

新社倉清咸豐四年知州陳泰琨率紳士朱家學劉暢文等捐貲

重建於州署後光緒志

明知州泰和蕭廷對二社倉記

今制守令視郡邑繁簡歲積穀備賑以宜君上子惠元元之德意悉前代所未盡講雖堯舜在上度以易此屏彈丸八里環城數舍強半屯畝兩湖歲涸十之一二登嶽深箐即田不宜稻率穀收麥以資二鬴龍朋海東稍稱沃壤半屬臨郡右族一值粟米騰踊輒嗷嗷莫必其命則甚矣屏民之裕也余蒞屏時觀先時有城東社倉積穀幾三百石屢歲災旱引領發粟既出陳賑乏明年丁酉時和歲豐倡義民各量出穀復捐俸建五畝寶秀二倉請之兩臺監司遵頒行實政例免查盤閭閻藉賑而典守者不苦於追呼責償人僉以為小潤也竊嘗思三代而上無曠土游民三年耕必餘一年之食故堯水湯旱至九年七年民始阻飢屏四野蕭然丁改雖平孽黨嘯聚迄無甯歲求芻牧而生全之其說有四焉夷民生齒凡十倍漢民株守世業可無虞卒歲自度田而糧溢原額豪右復以寄糧困之不佞始條議上中下丁稍甦膠泥條編每丁四錢之累而賦尤偏重其弊一也遠禁取利律有明條乃夷民膏脂盡吸於豪猾一歲而子錢之入等於母也逋息再歲後責之子母猶初欲民亡食得乎其弊二也正嘉之初生衆食寡迄隆萬攘攘為利

來皆聚廬而托處屏民近不能操奇贏游礦爾徒有出之孔耳矧肥賤則物價愈低猶之穀賤傷農其弊三也田故於耳任籍重田價高一金止市租一二斗小民僅規刀錐之利至以稻梁甘苦二菽釀酒而米益耗富戶又忍於閉糴其弊四也釐此四弊之後宜與水利透迤山麓鑿陂塘以需灌溉其東濱湖山田則引湖水或謂百花壩河可決以利老衛諸寨然須斟酌於利害乃可一宜山寨置倉演故未聞大侵使何能攜老幼踰崖百里外城中就食與中原舟楫異也城倉穀量聚各山寨歲斂散如燕趙責之該里般實匪惟廣濟陰德實弭盜首策也一宜禁通夷河底諸夷粟貴於珠軍民賈數倍利潛輓夷方而衛軍最梟桀糾黨構訟勢不能禁彼有餘則此不足日朶月削長此安窮乎宜創夷學演夷自入版圖固有青衿拓科沐聖代之澤者乃十有九老死不識一丁計類於愚黔首寄之鑿宮漸復其身俾知為善之利用夏變夷功匪淺渺國初能徒諸尺籍以化全滇今不能以滇土化諸夷乎余彈精五年力可為者次第舉行而難遽奏效善非一手一足之力也司世教者察是說而行之滇南鄒魯其在茲乎區區社倉視移河內之粟幾何是亦荒政之一助也東城穀千二百石五畝穀一百八十石寶秀穀二百五十石記於庚子仲冬村之割剝俾異日登記執此為左券云

普濟堂 在州治內清乾隆十五年署州徐正恩建石屏州志嘉慶二十五年

年知州楊浩重修續石屏州志咸豐九年兵燹燬光緒志

汛防千總署 在城南一百七十里一碗水汛道光志

汛防把總署 在城內清乾隆二年知州柳際夏建道光志久坍塌光緒志

演武場 舊在北郊今廢改為義塚移於大松樹下衛家冲大路口前

石屏州志

新纂雲南通志

卷四十五 地理考二十五 官署二

五

阿迷州

知州署 在城內明洪武十六年建清康熙十年署州傅國瑗重修

雍正志二十年知州劉維世重建臨安府志

學正署 在城內大街雍正志

訓導署 在明倫堂側雍正志今均坍塌光緒志

吏目署 在州署旁雍正志兵燹燬借住考棚光緒志

道光志案舊志有巡檢司署在州東南傍甸鄉雍正二年設今裁廢

廣積倉 阿迷州廣積倉會典事例

常平倉 在州署內雍正志清雍正二年元展成建 一在烏甸鄉臨安府志

社倉 在西山打魚寨布沼大堯寨大架衣矣近冲六處俱雍正二

年元展成建臨安府志以上均燬光緒志

義倉 在州境內士民捐置以為窮冬荒月周賑貧乏之用臨安府志今仍

舊由紳管收發道光志

永盛庫 阿迷州永盛庫會典事例

汛防千總署 在城內道光志

甯州

知州署 在東門內原在城隍廟右明洪武十六年建清康熙四年

土酋叛燬五年知州嚴敬捐置故紳張海宅建今署二十六年知

州金鳴鳳增修雍正志乾隆二十八年地震損圯知州蔣恆建重修道光志

同治元年兵燹燬十二年知州鄧家榮重修光緒志

學正訓導署 未設寄居崇聖祠兩廂雍正志

吏目署 在州署東雍正志

新纂雲南通志

卷四十五 地理考二十五 官署二

道光志案舊志有巡檢司署在州西北四十里甸苴關今裁廢

永豐倉 甯州永豐倉會典事例

新倉 常平倉 預備倉 俱在州署內雍正志

社倉 在備樂鄉貴甲鄉婆兮鄉虛子鄉義窩鄉上官租下官租路

居鄉各處今坍塌臨安府志

永裕庫 甯州永裕庫會典事例

養濟院 在城隍廟右清光緒八年署知州陳清昌率紳士朱學詩

等重修光緒志

汛防把總署 在城內光緒志

通海縣

知縣署 在城內即舊守禦所署原在城外明洪武十五年建兵燹

清康熙五年裁禦歸縣移建今地雍正志在鎮海門內乾隆二十六年

知縣朱陽重修五十四年知縣孫峻德再修臨安府志道光四年知縣龔

正謙又修通海縣續志

教諭署 在東門內雍正志在太和門內臨安府志清乾隆二十六年地震傾圮

知縣朱陽重修道光志同治三年教諭戴誌重修光緒志

訓導署 在城內東南隅雍正志在太和門內正街通海縣續志清乾隆二十六年

年地震全圮知縣朱陽重修道光二十一年訓導封奏續修光緒志

典史署 在東門內雍正志清乾隆二十六年地震重修道光志光緒八年典

史韓聯陞請款重修光緒志

大豐倉 通海縣大豐倉會典事例在東門內今廢光緒志

常平倉 在縣署內通海縣續志

新纂雲南通志

卷四十五 地理考二十五 官署二

七

社倉 有二俱在城內為東西倉又在龍火四營六村曲屯右所久

廢臨安府志

盈濟庫 通海縣盈濟庫會典事例

養濟院 在西門外雍正志在秀江橋清康熙二十四年署知縣范景陶

建臨安府志

育春館 即育嬰堂在城東南郭外清康熙二十五年生員闕瑜兆

倡建雍正志在東南郭外今廢臨安府志

揜骼所 在城隍廟中邑人捐設通海縣續志

汛防把總署 在城內東南隅通海縣續志清乾隆二十六年地震坍塌知

縣朱陽重修道光志

演武場 在城西三里通海縣志

河西縣

知縣署 在城內明洪武十五年建清康熙間知縣鄧苑李維藩繼

修雍正志乾隆四十五年知縣宋昌琿重修五十四年地震傾圮知縣

劉邦殿詳修嘉慶二十年紳士捐修改建大門道光三年知縣黃

觀雲重修河西縣續志光緒三年知縣劉建良九年知縣李元清先後請

款補修光緒志

教諭訓導署 在學宮左右雍正志清光緒八年教諭陳矩訓導楊毓嵩

請款重修光緒志

典史署 在縣署東雍正志

足食倉 河西縣足食倉會典事例

常平倉 在縣署東雍正志清咸豐六年被賊燬光緒六年知縣劉建良

新纂雲南通志

卷四十五 地理考二十五 官署二

八

改為社倉籌款修建光緒志

軍屯倉 在碌碑鄉雍正志

養濟院 在南門外河西縣續志清光緒元年士民捐貲重建光緒志

汛防把總署 在南門內河西縣志

嶧峨縣

知縣署 在城內明洪武十四年建清康熙二十五年知縣吳懋英

增修雍正志光緒三年知縣陳宗海七年知縣馬晉錡先後續修光緒志

教諭訓導署 未設雍正志在顯靈坊臨安府志舊署因水坍塌改建於城內中

街之南清光緒八年奏准移置訓導於恩安縣其署併歸教諭光緒志

典史署 在縣署旁雍正志被水淹塌移建中街之北久圮清同治八年

知縣李衍綬率紳士籌款仍於縣署旁重建光緒志

道光志案舊志有巡檢司署在縣西北七十里與衣鄉今裁廢

縣倉 嶧峨縣永濟倉盈滿倉一在縣署內 一在筇川雍正志

河西縣倉 在城內清康熙四十年河西知縣蔡醇詳建貯米搭放

新嶧營兵糧雍正志因營制裁減倉無存積年久傾圮光緒三年知縣

陳宗海改建為安節堂光緒志

考棚 在縣署二堂左清光緒三年知縣陳宗海新建光緒志

永盈庫 嶧峨縣永盈庫久廢道光志

養濟院 在城東半里三家村清光緒三年知縣陳宗海新建光緒志

汛防千總署 在西門隅臨安府志

汛防外委署 一在化念汛 一在俄爽汛 一在塔竜汛 一在

西冲甸汛道光志

新纂雲南通志

卷四十五 地理考二十五 官署二

九

演武場 在城東倪江畔嶧峨縣志今改設西門外西南隅光緒志

蒙自縣

知縣署 在城內東南隅明洪武十五年建雍正志景泰二年土知縣陸

剛建後毀於寇清康熙二十年知縣孫居湜修臨安府志四十年知縣李

雍四十八年知縣韓三異繼修舊志雍正七年知縣王廷諍乾隆四

十四年知縣楊大觀五十四年知縣李焜相繼修府志年久坍塌

光緒十一年知縣王秉鑑請款重修光緒志

教諭訓導署 在明倫堂左右雍正志

按在城內東街明洪武中建康熙時屢加修葺

典史署 在城內西北隅雍正志

常平倉 在縣署內雍正志清乾隆四十四年知縣楊大觀五十四年知

縣李焜繼修今圯蒙自縣志

社倉 在西門內臨安府志清雍正七年知縣王廷諍建蒙自縣志舊設四座一在

縣城 一在雞街壩 一在倘甸 一在大屯均因兵燹燬光緒志

義倉 在縣署東隅阿迷知州方逢聖建蒙自縣志

盈裕庫 蒙自縣盈裕庫會典事例

養濟院 在北門內雍正志明萬曆中知縣李時用建李國棟重修臨安府志

育嬰堂 在城內西隅清雍正中知縣王廷諍秦仁建設置租臨安府志乾

隆五十六年知縣李焜重修蒙自縣志

都司署 在城內西街清道光二十年移鎮標右營都司駐蒙自建

今署道光志

按光緒十一年都司署移駐水田以都司署改建守備署採訪

汛防把總署 一在西門內大街左今仍舊一在城南七十里斗母

閣清乾隆五十一年建 一在二塘道光二十年添設咸豐六年

兵燹燬蒙自縣志

汛防外委署 一在者奴 一在雞街 一在大屯清道光二十年

添設咸豐六年均經兵燹燬光緒志

演武場 在西門外蒙自縣志清光緒十二年總兵何秀林重建探訪

道光志案舊志載臨安府舊制文職各署分巡臨元兵備道一在府城內通判一推官一照磨一俱在府署內又州一在新化城內又巡檢司三一在曲陀關一在伽羅關一在箐口又驛七一在曲江一在新建一在寶秀一在阿迷一在矣馬欄一在羅臺一在通

海又稅課司一在府城俱裁廢 又舊志載臨安府武職各署明制設衛指揮一守禦千戶所二順治十六年改為守備千總臨安衛在府城通海禦在通海新安禦在府東南後移蒙自康熙六年俱裁廢

臨元鎮總兵署 在城內西北隅清光緒十一年總兵何秀林建探訪

關道署 在城北門內清光緒十四年關道湯壽銘建探訪

海關監督署 清光緒十四年兼海關道湯壽銘附設道署民國六

年租賃民房改建訪採

稅務司署 在東關外清光緒十四年建訪採

法領事署 與稅務司署比隣清光緒十四年建訪採

電報局 在城內南門街清光緒十三年設訪採

郵政局 在東門外清光緒十五年設現移城內監督署隔壁訪採

警察局 在城內玉皇閣右清光緒三十二年建訪採

軍械局 在城西北關道署左清宣統元年建訪採

自治局 在南城內清宣統二年設訪採

兵房 在東門外清宣統元年建訪採

商埠 清光緒十三年就縣城東關外闢為商埠凡滇越鐵路公司

安興洋行東方匯理銀行歌臚士洋行伽波比央歌洋行博勞當

新纂雲南通志

卷四十五 地理考五十二 官署二

一一

洋行沙厘爺洋行若利瑪洋行中法實業銀行等均在商埠光緒二十五年後建訪採

筒舊廳署 清光緒十一年同知興祿建二十九年同知雷元樹就

老陰山麓創建新署宏大數倍
按民國二年成立縣治更名為筒舊縣
行政公署舊署則改為公安第一分局

楚雄府

楚雄縣

督學考場 在府署東南即巡道舊署清康熙二十二年知府牛奐

重修雍正志咸豐十年賊踞城折毀同治十年郡紳李維述集貲修葺

光緒志

知府署 在大西門內明洪武十六年建清康熙十九年地震傾圮

二十二年知府牛奐重建雍正七年知儲府之盤重修雍正志

道光志案舊志有同知署在府署左司獄司署在府署內今皆裁廢

教授訓導署

俱在學宮右

雍正志

訓導署在學宮前舊盧公書院旁

楚雄縣志

大有倉

楚雄府大有倉在府署東

雍正志

清康熙十九年地震圮二十

三年知府牛奐重修

楚雄府志

咸豐十年賊踞城燬

光緒志

常盈庫

楚雄府常盈庫在府署內

雍正志

和豐義倉

在城內南街清光緒十年知府陳燦捐廉率紳士新建

光緒志

知府陳燦重建和豐義倉碑記

蓋開堯水湯旱雖聖世不盡逢年金穰木饑宜先時而籌未雨邇年來晉豫奇荒及直隸江浙各省災侵上煩睿慮之經營下重當道之籌畫議蠲議賑不遺餘力方今督憲岑撫憲張軫念演民諄諄以積穀備荒為屬吏勗誠以救荒之法不可不先事預防也查威楚一郡在滇之西北山險地瘠無通津大川足藉資於泛運無富商巨室可勸捐於臨時重以地處衝要為官垣屏翰迤西各郡咽喉士著客民良莠相雜脫遇饑饉尤多隱患官斯土者不亟亟於建倉積穀之圖為思患預防之計其何以備荒款拯窮黎定人心頌時變哉乃兵燹以後從前大有諸義倉焚燬靡遺義穀顆粒無存壬午冬余來守是郡下車伊始進諸父老而語以利弊僉曰光緒四年夏雨澤愆期諸長史走禱罔應米價增倍徒城市人心惶惶若不可終日籌楚之第一要政計無逾於積穀備荒者余雖

心臆其言而時以無款可籌且民未信雖下捐穀之令恐無以應也癸未冬余由馬龍廠銅務項下籌獲銀五百餘金首買市石穀四百石零以為之倡乃召諸紳耆而告以捐穀之舉僉皆踴躍應命爰置印簿分頒城鄉嚴禁抑勒中飽等弊不三月而得穀若干石合之前買之穀共計市石穀壹千石零算合京石穀三千餘石爰與諸紳謀度地於郡城之南街建立義倉地頗高燥開敞名之曰和豐義倉以識民和年豐之慶計建倉廩五間倉書住房三間繚以周垣長五十丈繼始於光緒十年六月初六日落成於十一年二月初三日與諸紳議定章程通詳各憲立案刻石其倉穀擇紳士之殷實老成者按年經管官吏不得侵擾杜需索也每年二月新舊紳管更替各具冊結於官官為親稽其實數防侵挪也春借秋還每斗取息二升所以給籽粒滋生息並藉以推陳出新也必良民有保而後借非其人則不輕借亦不強借與人所以防虧欠而免抑勒也小款則用以平糶所以平市價而安民心也大荒則全出放賑所以濟飢民也平糶之後屆秋收必預買補放賑之後遇樂歲即行捐還所以使倉不虛而穀無積也撥叛產以為義倉田所以使歲有入而事可久也是舉也勸捐倉穀監修倉房始終勤事賴以有成者為郡紳陳思培李萬春參贊其議相與有成者為郡紳楊春富例得備書余既嘉諸紳之好義而並望後來者擴充其規使倉盈而廣億也于是乎記

知縣署

在東門內即衛署舊址在城西南隅明洪武十七年建萬

曆間遷城西社學舊址清康熙十九年地震傾圮三十一年改建

今署

雍正志

乾隆四十八年被水冲坍知縣周名炎重修

道光志

咸豐十年

被賊燬權寓考棚

光緒志

教諭署

在學宮旁

雍正志

清康熙二十六年教諭李載膺捐建五十年

教諭孫其茂重修乾隆三十三年教諭陳堯官復修五十年知縣

周名炎詳請重修楚雄縣志

訓導署 在學宮旁雍正志 舊無清康熙三十年知府曾大升知縣崔靖

新建於教諭署左雍正七年知縣方廷英重修乾隆五十年訓導

寶登甲復詳請重修楚雄縣志

典史署 在縣署內雍正志 清乾隆四十八年典史鄭賢修嘉慶十八年

典史鍾樞重修道光志

軍倉 楚雄縣軍倉會典事例

新倉 在府署南雍正志 清康熙十九年地震圯知府牛奐知縣李暄重

修楚雄府志

公館 在東門內楚雄縣志

迤西道銅局 在西門外楚雄縣志 清咸豐九年城陷燬光緒志

新纂雲南通志

卷四十五 地理考二十五 官署二

一三

養濟院 在西門外明嘉靖三十三年知縣劉名弼建楚雄縣志 清道光十

八年紳士謝長清重建咸豐十年城陷全燬同治十年郡紳李維

述重修光緒志

育嬰堂 在養濟院側楚雄縣志 清康熙四十六年縣民汪濤倡建雍正志

普濟堂 在古山寺塘右原係漏澤園嘉靖三十三年知縣劉名弼

改建清乾隆四十一年知縣杜鈞修五十八年邑監生許鳴鳳重

修楚雄縣志 以上俱因兵燹燬光緒志

楚雄協副將署 楚姚鎮總兵官署在南門內小街雍正志 今改為副將

署楚雄縣志 經兵燹燬克復後署副將李維述張士進先後續修光緒志

中軍都司署 中營中軍守備署在西門內舊縣街雍正志 今改為都司

署楚雄縣志

道光志案舊志有楚姚鎮中軍遊擊署在城內左營守備署在東門內右營守備署在北門內今俱裁廢

存城把總署 在舊縣街楚雄縣志清咸豐十年燬光緒元年署都司李維

卓籌款重修光緒志

八哨汛外委署 在前河哨三街清同治十三年署都司李維卓籌

款新建光緒志

演武場 在北門外雍正志舊有演武廳地震傾圮清康熙二十三年總

兵牛鳳翔修葺四十七年總兵駱儼重修楚雄縣志同治九年都司沈朝

覲重建光緒志

鎮南州

知州署 在城內明洪武十六年建清康熙間知州孫國衡李續祖

陳元繼修雍正志乾隆四年知州錢沂重修鎮南州志五十年知州喻灝五十

新纂雲南通志

卷四十五

地理考二十五

官署一

一匹

六年知州王學靜增修道光二十六年知州林光謙重修光緒五

年知州譚席珍補修十年知州易為霖重修案牘祠並州庫光緒志

學正署 在州署南雍正志在州城南後移建城北廣福寺東今仍舊鎮南州志

訓導署 在東城通衢經亂燬今借住廣福寺光緒志

吏目署 在州署內雍正志清乾隆五十八年吏目刀啟封重修嘉慶十

七年吏目白種藍增修道光二十六年吏目靳學濂重修今仍舊

道光志

屯倉 鎮南州師和寺屯倉赤草湖屯倉會典事例

廣裕倉 永興倉 大有倉 鎮南州永興倉俱在州署東雍正志

豫備倉 在州署內雍正志

天成倉 在州東二十五里雍正志

黑馬邑倉 在州西北十里雍正志

公館 一在本城 一在州西三十五里沙橋雍正志 經兵燹久廢光緒志

養濟院 在州西一里許楚雄府志

養老堂 育嬰堂 俱在城東古雲路坊之左知州岑鶴建楚雄府志 經匪

亂燬光緒志

汛防把總署 在城內久圯今寄寓民居光緒志

官廳 在東門外經亂燬清同治十一年重修光緒志

南安州

知州署 在城內明正統八年建寇燬崇禎間重建雍正志 清康熙二十

九年知州趙延鴻重修南安州志 四十九年知州張倫至重修舊志 咸豐十

年被賊燬同治七年賊復踞城就遺址建蓋偽署克復後改建州

署光緒志

礮嘉州判署 在州南五百里舊礮嘉縣今仍舊雍正志

學正署 在學宮左 訓導署 在文昌宮旁雍正志 清同治八年均燬

光緒五年知州魏廣心請款重修光緒志 三十二年知州彭祖詒將舊

學書院拆毀遷移地址於文廟前建為高等小學校探訪

吏目署 在州署左雍正志 清乾隆五十九年吏目曹烈修道光四年吏

目葉慕咸重修道光志 按民國八年就其地基址改建勸學所

常平倉 妥甸倉俱在州署內雍正志 清康熙四十九年知州張倫至修

葺楚雄府志

常盈倉 南安州常盈倉在州治南楚雄府志

養濟院 在東城外南安州志 經兵燹光緒志

汛防千總署 楚雄鎮左營游擊署在城東八十五里安甸雍正志 清乾

隆三十五年改為千總署道光志

汛防把總署 在城南五百里磻嘉道光志

汛防外委署 在南安州城清咸豐十年燬未修權住州署之西偏

光緒志

姚州

知州署 在南門內明洪武十七年建後改為守道公署道裁署仍

歸州清康熙二十八年知州胥琇重修雍正志 四十九年知州張建策

增修乾隆四十年知州劉夢熊四十六年知州傅昌巖道光元年

知州隆慶繼修姚州志 經兵燹燬同治十一年知州張之彬光緒五年

知州伍蘭徵先後補修光緒志

普湖州判署 在州南一百二十里普湖雍正志 清乾隆四十五年州判

趙煜宗重修道光志 經亂折毀今修復光緒志

學正署 在府學宮東雍正志 清咸豐六年賊踞城燬光緒五年學正張

敬籌款重建光緒志

吏目署 在北門內雍正志 清咸豐九年兵燹燬光緒志

道光志案舊志姚安府官署有知府署在東門內經歷司署在府署左教授署在明倫堂後訓導署在學宮西今俱裁廢

常平倉 在州署東雍正志

兵糧倉 在州署內雍正志

普糧倉 在普湖雍正志

道光志案舊志姚安府有府倉在府署內永盈庫在城內今俱裁廢

公館 在北門內舊守禦所署雍正志 兵燹燬光緒志

養濟院 在東關雍正志知府吳嘉祥建清康熙四十六年通判高岫擴

修姚州志經亂折毀光緒元年知州潘泰階移建於城東二里光緒志

育嬰堂 在城內清乾隆間貢生劉賢等捐建成豐九年燬光緒二

年重建光緒志

汛防千總署 楚姚鎮右營游擊署在城內雍正志清乾隆三十五年改

設咸豐九年被賊燬光緒志

大姚縣

知縣署 在城內明洪武間建萬曆間知縣謝於教修雍正志清道光二

十年知縣劉邵高增修咸豐九年城陷被賊燬光緒七年知縣吳

泰彥請款修建光緒志

教諭署 在學宮右雍正志

訓導署 在學宮側大姚縣志

苴卻巡檢司署 在永定鄉清道光元年新建以上均燬道光志

典史署 在縣署內雍正志清乾隆四十五年典史劉炅重修道光志經兵燹

燬光緒七年知縣吳泰彥請款修葺光緒志

永盈倉 大姚縣永盈倉會典事例

永裕倉 常平倉 俱在城內雍正志常平倉在儒學前大姚縣志

永豐倉 在縣堂左大姚縣志

滿海倉 距城三十里大姚縣志

彌興倉 距城百二十里大姚縣志

破寺倉 距城四十里大姚縣志

縣庫 在縣堂右大姚縣志

養濟院 在南門外雍正志在書案山下大姚縣志

汛防外委署 在大姚縣城以上均因兵燹燬光緒志

演武場 在馬房山下大姚縣志

廣通縣

知縣署 在城內明洪武十五年建嘉靖二十一年重修清康熙二

年知縣張京奎增修雍正志五十二年知縣龍文玉重修楚雄府志乾隆三十

五年署知縣王秉韜五十六年知縣張志學各修理一次咸同間

迭經兵燹全燬自同治九年後歷任知縣率紳士陸續籌款修葺

光緒志

教諭訓導署 俱在學宮旁雍正志經兵燹燬清光緒七年教諭張典禮

貢生車正轅等於舊倉房遺地新建光緒志

典史署 在縣署右雍正志清嘉慶二十五年署知縣徐正暄詳請修理

經兵燹後重建光緒志

廣盛倉 廣通縣廣盛倉在分司行署雍正志一說在縣署內楚雄府志

縣庫 在縣堂左廣通縣志

公館 一在城內東街 一在縣東四十五里捨資雍正志

養濟院 在東門外廣通縣志

汛防把總署 一在縣署後 一在捨資廣通縣志

演武場 在縣署東儒學右廣通縣志兵燹燬光緒志

定遠縣

知縣署 在城內西北明洪武二十四年建久圯清康熙十一年知

縣田元凱重建雍正志二十九年知縣張彥紳增修楚雄府志咸豐間軍興殘

毀同治九年知縣吳啟亮十一年知縣顏啟儀光緒五年知縣萬邦治先後增修光緒志

教諭署 在明倫堂後雍正志兵燹燬光緒志

典史署 在縣署右雍正志今仍舊光緒志

俸給倉 定遠縣俸給倉會典事例

新定倉 在縣署內雍正志

赤草湖中倉 在縣西北雍正志

養濟院 在城內東南隅雍正志在城內西南隅定遠縣志清咸豐十年兵燹燬

光緒志

汛防外委署 在城內今寓南城樓道光志

演武場 在城外東北定遠縣志

新纂雲南通志

卷四十五 地理考二十五 官署二

一九

道光志案舊志載楚雄府舊制文職各署分巡洱海道一在府署東南今為考場又通判一推官一經歷一知事一照磨一稅課司一倉大使一俱在府署內又縣一在礪嘉城內又巡檢六一在呂合一在捨資一在會基關一在羅平關一在黑井一在琅井又驛六一在呂合一在捨資一在路甸一在景峨一在定邊一在新田又載姚安府舊制文職各署分守洱海道一在姚州南門內今為州署又通判一在府署左又巡檢司五一在三窠關一在前場關一在普昌一在普湖一在白鹽井又驛一在普湖今俱裁廢又舊志載姚安府舊制武職各署明制設衛指揮一守禦千戶所三順治十六年改為守備千總楚雄衛在府城定遠所在定遠縣姚安所中屯所在姚安府康熙六年俱裁廢

澂江府

河陽縣

督學考場 在城內東北巡道舊署內雍正志清道光三年知縣吳繩重

修咸同間賊踞城折毀同治十一年署知府胡毓璠由四屬捐款

重建光緒五年知縣王世德八年知縣馬恩榮先後增修九年督

學院丁立幹捐廉補修光緒志

按光緒三十二年廢科舉署遂開
曠民國十八年改修為建設局

知府署 在南門內原在城東金蓮山明洪武十八年建雍正志宏治十

七年知府溫廉遷於山半正德十二年知府童璽改建陽浦山麓

以舊署為學宮嘉靖十八年知府周朝俛復遷金蓮山江府志隆慶四

年知府徐可久遷城舞鳳山麓建今署清康熙間知府張聯箕道光志案

府志作二十二年黃元治道光志案府志作四十二年裴率度道光志案府志作五十二年繼修舊志二十五年知府韓俊

傑三十二年知府張聖猷四十八年知府趙宏任相繼捐修府志乾

隆十五年知府夏昌重修二十四年知府義寧重修五十四年地

震傾圮知府春貴重修嘉慶五年知府李根盤復修道光六年知

府蕭炳椿捐廉重修道光志為室五進同知司獄經歷照磨署俱附府

署後缺裁署廢採訪

道光志案舊志有通判署在府署左司獄司署在經歷司舊署今俱裁廢

教授署 在城內古義學內雍正志在學宮東隅江府志清乾隆五十四年地

新纂 雲南通志

卷四十五

地理考二十五

官署二

一一〇

震傾圮請項重修道光志經兵燹燬光緒志光緒三十二年缺裁今賃作民

居採訪

訓導署 未設寄居東華寺雍正志舊在文廟東因地震傾圮清乾隆五

十五年訓導劉梓領項建於武廟東光緒五年訓導蔣榮先捐廉

重修光緒志

廣積倉 激江府廣積倉會典事例

廣盈庫 激江府廣盈庫在府署內雍正志

育嬰堂 在城西北清康熙四十八年知縣翟枚吉諸生洪于天捐

建置田咸豐七年燬於兵光緒志近易草屋為瓦屋計九間光緒三十

年郡人陳保邦重建寄生所六間境內貧民皆可於此生產嫁娶

採訪

知縣署 在城內西北隅原建陽浦山左雍正志明嘉靖二十五年知縣

韓立建徽江府志隆慶四年遷城知縣王都建今署舊志萬曆間知縣李汴

增修府志明末兵燬清康熙間知縣冷晉和道光志案府志作三年袁肇繼道光志案府志作八年秦

采道光志案府志作三十七年繼修舊志四十八年知縣翟枚吉增修府志乾隆十五年知縣

陸海動項重修五十四年地震坍塌知縣周名炎重修後漸傾圮

無存惟存大門照壁而已今借寓考場道光志

教諭署 在明倫堂後雍正志清康熙四十三年復設教諭借寓城西觀

音閣五十六年移居明倫堂後訓導署徽江府志在倉聖廟左乾隆五十

五年教諭聞顯謨重修道光志

訓導署 在史皇祠右即舊縣學雍正志初建於明倫堂後清康熙五十

六年為教諭所居乃移寓義學之東廊徽江府志乾隆五十五年訓導方

學周改建於倉聖祠之右現俱坍塌光緒志

典史署 在縣署內雍正志清康熙七年典史王天爵建徽江府志乾隆四十四

年典史李鵬程重修五十四年地震傾圮典史鍾樞重修道光五

年典史趙桂蓀捐修光緒元年知縣伍懋郇捐款補修九年知縣

馬恩榮請款重修光緒志

廣積倉 在縣署右雍正志

屯糧倉 在府署左雍正志

廣濟倉 在縣署內雍正志

豫備倉 在舊陽宗縣城內雍正志

存留倉 河陽縣存留倉一在城內 一在陽宗雍正志

豐盈庫 河陽縣豐盈庫會典事例

公館 即今考場雍正志 舊陽宗縣署知縣翟枚吉修為公館徽州志

養濟院 在城內西南隅雍正志 清咸豐九年兵燹燬光緒志

義房 在城內郡人吳宏業建今圯徽州志

遊擊署 在城東北書院西清同治十三年新設遊擊楊聯桂請款

修建光緒志 匪亂後岑毓英奏請增設兵弁半營以資鞏衛光緒元年

增遊擊一員督率標下中軍暨九汛官弁光緒二十八年裁採訪

守備署 清同治十三年添置以公所改建光緒志 光緒元年增設二十

八年裁採訪

汛防把總署 舊無今借寓南城關聖廟徽州志 清乾隆五十五年把總

胡國樑改建於武廟左咸豐七年被賊燬後以公所改置光緒志

汛防外委署 在守備署旁清同治十三年添設光緒志

新纂雲南通志

卷四十五 地理考二十五 官署二

一一一

演武場 在東門外徽州志 舊在郡東北清乾隆二年知府朱鳴謙移於

城西三里咸豐七年燬光緒志

江川縣

知縣署 在城內西南隅原在舊城明洪武十五年建崇禎七年遷

今地雍正志 清乾隆二十八年地震坍塌知縣劉攜動項重修四十八

年知縣王成德重修五十四年地震傾圮攤俸重修道光志

教諭署 在南門內雍正志 清乾隆二十八年地震坍塌知縣劉攜動項

重修道光志

訓導署 在萬壽宮側雍正志 清乾隆二十八年地震傾圮知縣劉攜動

項重修道光志 光緒八年移駐巧家以教諭兼管光緒志

典史署 在縣署前雍正志 清乾隆二十八年地震坍塌知縣劉攜重修

四十六年典史袁瑞麟重修五十四年地震傾圮典史楊堯夫重

修道光志久傾圮光緒八年以訓導署改置光緒志

南北倉 俱在縣署西南隅雍正志清乾隆五十五年地震傾圮知縣童

震棟重修道光志

寶元庫 江川縣寶元庫會典事例

公館 在城東門內徽州府志

掩骼所 在關聖宮清乾隆三十年闔縣紳耆捐貲置產舉行道光志

汛防把總署 在城內即舊千總署清乾隆二十八年五十四年兩

次地震重修道光志同治十三年改置為把總署光緒志

演武場 在城外道光志

新興州

新纂雲南通志

卷四十五 地理考二十五 官署二

一一二

知州署 在城內明洪武十五年建後知州張睿道光志案府志何子奇道光志案

後重修徽州府志清康熙八年知州耿文明重修新興州志康熙間知州李國維

胡必蕃道光志案府志魯國華道光志案府志任中宜道光志案府志繼修舊乾

隆二十八年地震傾圮知州屠可堂動項重修四十二年知州豐

紳五十六年知州陸紹宗道光四年知州慶長各修理一次咸豐

十年賊匪踞城燬今權寓於公所以作署光緒志

學正署 在玉溪書院左雍正志在城東隅玉溪書院右明萬曆四十六

年知州柳芳陽崇禎十六年知州張尹志清康熙四年學正金大

印五十一年知州任中宜繼修新興州志嘉慶二十五年學正閔珮珂重

修道光志

訓導署 在玉溪書院右雍正志與學正同署居西偏清康熙八年學正

金大印五十一年知州任中宜增修新興州志嘉慶二十年訓導李書敏

重修道光志

吏目署 在州署右雍正志清乾隆二十八年地震傾圮知州屠可堂動

項重修五十年吏目蔣廷瑞重修道光志

常平倉 一名豫備倉一名廣濟倉徵江府志在州署右雍正志明正德十三年

知州何子奇建萬曆二十二年知州蕭錦韶清康熙五十年知州

任中宜增修新興州志

豐盈庫 新興州豐盈庫在州署大堂左徵江府志

公館 在東門內清乾隆五十六年知州陸紹宗新建道光志

養濟院 在州南關外雍正志在武侯祠左知州何子奇建清康熙二十

新纂雲南通志

卷四十五 地理考二十五 官署二

一四

四年署知州徐瀛翥重修新興州志以上均因兵燬光緒志

署知州山陰徐瀛翥養濟院記

考之郡志州治養濟院在城南武侯廟側燬於兵火鞠為茂草者數十年於茲矣孤貧十餘輩依栖古剎靡有甯居今歲乙丑皇帝二十有四年頒恩詔於天下命地方官從實散給口糧以贍癯獨於時臣瀛翥方代篆是州俯伏跪聽之下深懼奉行無狀無以稱我皇上之於天下甚願爾民父子夫婦相養相聚各奠爾宅無有飢寒以樂太平之盛也乃爾等或為子焉而失所恃或為父焉而失所依或既老而失所配孤苦無告我皇上所尤惻然軫念者也是以發政施仁之際深以爾等失所為慮今日者官為作爾居俾爾有甯宇尙當遵經制給口糧以恤爾飢寒爾等其可不省愆向善鼓舞皇上之德以無忘所自耶既告之遂書石以為記

汛防把總署 在城北隅清康熙五十一年知州任中宜因訓導廢

署改設徵江府志乾隆五十三年把總馬萬選改建於西關內左文昌宮

後經兵燬燹同治十三年移徵江營右哨千總分駐新興汛光緒志

後裕鄉把總署 清同治十三年添設尙未建署僑寓民房光緒志

演武場 一在州北三里路西 一在州南六里鴛鴦塘徵江府志

路南州

知州署 在城內明成化三年建道光志案府志作洪武十七年歷任繼修雍正志清乾隆三十

五年署知州德敏修四十八年知州褚其章重修咸豐八年夷匪

踞城燬十一年署知州岑毓英克之重建鎮雄坊光緒二年知州

辛傳註八年知州周誥先後增修光緒志

學正署 未設雍正志與訓導同署俱在城隍祠左鄒公祠池塘前久廢

址存今官賃民房以居徽州志清乾隆四十一年知州褚其章學正王

信訓導萬錫重建道光十三年地震傾圮歷任借寓文昌宮二十

四年署知州李鳳翬籌款修建邑人李錫綸之母捐貲助修經兵

燹燬現借寓於南陽書院光緒志

訓導署 未設雍正志清乾隆二十二年知州史進爵捐建於城隍祠左

舊址路州志訓導吳之良重建五十年余萃文重修嘉慶二年訓導倪

端增修道光二十四年署知州李鳳翬重修經兵燹燬今寓南陽

書院光緒志

吏目署 在州署左雍正志清乾隆五十六年吏目沈廷棟重修嘉慶十

八年吏目徐璜增修道光志道光九年吏目龔桐重修咸豐八年被賊

折毀光緒志

常平倉 在州署前鐘鼓樓右雍正志

豐盈庫 在州署左徽州志

會計庫 在州署右徽州志

養濟院 在城隍祠旁雍正志後移建東關外清嘉慶三年知州李文煒

又移建北關外馬鞍山旁道光志

掩骼所 在城內創自清雍正年間乾隆三十年闔邑士民復捐貲

置產後燬道光志

汛防千總署 在城北關外路南州志今廢寄居西關內正覺寺道光志

分防把總署 在竹山汛清同治十三年添設光緒志

演武場 在城外光緒志

道光志案舊志載激江府舊制文職各署分巡臨元道一在府城內東北今為考場又察院行署一守道一兵備道一俱在府城內又推官一經歷一照磨一俱在府署內又縣一在陽宗城內又巡檢司三一在鐵鑪關一在革泥關一在關索嶺 又驛二一在和摩站一在江川縣今俱裁廢

廣南府

寶甯縣

知府署 在城內清順治十六年新建雍正志在城中十字街康熙四十四年重修嘉慶二十一年知府何愚重修廣南府志久坍塌光緒八年知府劉春霖十一年知府陳之梅先後捐廉續修光緒志

新纂雲南通志

卷四十五 地理考二十五 官署二

一一六

道光志案舊志有經歷司署在府署前今移駐普廳塘

普廳塘經歷司署 在府東一百五十餘里普廳塘清乾隆三十六

年移駐新建廣南府志經歷蓋天祥建經兵燹燬光緒志

教授訓導署 俱在城內雍正志在府治東南清乾隆四十八年建今傾

圮廣南府志

府倉 廣南府永甯倉在府署旁雍正志道光志案廣南府志府無倉廩今仍舊光緒志

廣安庫 廣南府廣安庫在府署內雍正志

知縣署 在府治東南清乾隆二年新建廣南府志四十三年知縣劉大鼎

重修嘉慶十八年知縣陳務本重修道光志咸豐三年知縣金臺捐修

光緒志

典史署 在府治東南清乾隆三年新建廣南府志

常盈倉 隆運倉 廣豐倉 俱在城內每倉各三間廣南府志今仍舊光緒志

廣儲倉 新裕倉 廣貯倉 常平倉 恆濟倉 社倉 常凝倉

常裕倉 常盛倉 俱在城內每倉各三間廣南府志俱傾圮無存光緒志

永盛倉 在彌勒灣清乾隆十一年知縣劉汝選捐建廣南府志今圮光緒志

際運倉 順寶倉 豐裕倉 並知縣馬有聲捐建廣南府志兵燹燬光緒志

富州倉 在土富州有裕仁義禮智五字號廣南府志清同治二年賊匪竄

踞富州焚燬光緒志

考棚 在府署左清道光二十三年知府王綬知縣沈炳並紳士捐

修同治十二年知府靳登瀛補修光緒三年紳士捐貲增修八年

知府劉春霖添設東西舍並桌凳光緒志

養濟院 在南城外清光緒五年知府廖修明捐廉新建光緒志

廣南營參將署 在府署北雍正志在城西門內舊為游擊署清雍正二

年改為參將署年久傾圮光緒六年署參將穆文陞八年署參將

王維金九年參將覃修綱先後繼修光緒志

中軍守備署 在府署南雍正志在城南門內道光志

汛防千總署 在城東一百五十里土富州道光志

汛防把總署 一在城南普梅汛 一在城北者洪汛 一在城北

命帖汛道光志

汛防外委署 一在城東板蚌汛 一在城東剝隘汛 一在城東

者賓汛 一在城西彌勒灣汛 一在城西阿記得汛道光志以上均

傾圮未修光緒志

演武場 在城外雍正志清光緒十年知府劉春霖參將何秀楨重修光緒志

道光志案舊志載廣南府舊制文職各署照磨一
在府署內驛二一在府城一在速爲今俱裁廢

順甯府

順甯縣

知府署 在城內鳳山下舊在麻陋缺村即今舊城明萬曆二十六

年巡撫陳用賓遷建今地清康熙六十一年知府范溥重修雍正志乾

隆間知府劉靖增修順甯府志四十六年知府楊有涵重修道光二年知

府林樹恆又詳請修理咸豐七年兵燹燬同治十二年知府陳泰

琨以知縣署改爲府署就府署遺址建置黌宮光緒志

右甸經歷司署 通判署在府西北一百五十里右甸本府公館原

在城南門外清康熙二年知府米璵買民房遷建城北隨駐今署

雍正三年通判陳廷對重修雍正志乾隆十一年通判移駐緬甯經歷

新纂雲南通志

卷四十五 地理考二十五 官署一

一八

移駐右甸改通判署爲經歷署順甯府志咸豐七年被賊燬同治十三年

署經歷祝慶孚光緒六年經歷韓銑先後補修光緒志

教授署 在學宮左雍正志教授段繹祖張端亮張盛兆繼修順甯府志兵燹燬

光緒志

訓導署 在學宮右清康熙三十六年知府董永芝捐買牟氏宅爲

署雍正志在文明坊下今廢僅存其地順甯府志嘉慶七年訓導李時昌詳改

舊節義祠爲署咸豐七年燬寄寓昭忠祠光緒志

知事署 經歷司署在府署內雍正志清雍正二年經歷沈應俞重修乾

隆十一年經歷移駐右甸改爲知事署順甯府志五十六年知事王炎重

修道光志

道光志案道光
十二年裁廢

常裕倉 順甯府常裕倉在府署內雍正志

寶盈庫 順甯府寶盈庫在府署大堂左順甯府志清光緒五年知縣鄧瑤

重修光緒志

知縣署 原係錢局舊址清乾隆三十八年知縣陸繼夔建嘉慶十

八年知縣麟瑞捐廉重修道光五年知縣金澂復修光緒五年知

縣鄧瑤改建於城內橫街光緒志

教諭署 原在文昌宮後清嘉慶二十一年教諭李廷良移建於府

署左光緒五年知縣鄧瑤修復光緒志

訓導署 舊在縣署東偏清嘉慶二年知縣范廷相訓導金偉移建

於武廟右久坍塌今與教諭同寓光緒志

典史署 在縣署內知縣陸繼夔建經兵燹燬今改置於太陽山光緒志

大有倉 在城內本育賢館餘地雍正志清雍正元年知府范溥捐俸增

建順甯府志乾隆三十六年知縣陸繼夔增建五十一年署知縣甘文毅

捐廉修理嘉慶二十五年知縣路華重修道光志

新豐倉 在大有倉左雍正志清雍正二年知府范溥捐俸增建順甯府志

常平倉 一在府前 一在右甸 一在錫臘 一在阿魯 一在

錫鉛雍正志

社倉 一在府署大門內順甯府志清光緒五年知縣鄧瑤改建於大有倉

右 一在府北回子里 一在府南平村里象莊 一在府南五

十里邦買里落黨村 一在府東北七十里鏘額基 一在府東

北一百六十里阿魯司行署內 一在府北九十里錫鉛 一在

府西二百一十里錫臘之秀水塘 一在府南七十里阿渡吾之

順濟橋 一在阿渡吾板橋 一在右甸城內均燬光緒志

公館 在北門內即通判舊署雍正志

養濟院 在元壇廟後雍正志 在城隍廟旁兵燹燬清同治十三年知府

陳泰琨重建光緒志

順雲營左軍守備署 在城內清乾隆三十年建成豐七年賊踞城

改爲禮拜寺克復後同治十三年知府陳泰琨改建書院另以公

產改建今署光緒志

道光志案舊志有順雲城守營都司署在城內後改爲參將署今參將移駐緬甸舊署尋廢

汛防千總署 在城內大街清乾隆三十年建光緒志

汛防把總署 一在東門城內 一在右甸汛俱清乾隆三十年建

一在萬年椿汛嘉慶十九年新建道光志

汛防外委署 在錫臘汛清乾隆三十年建道光志

演武場 在舊城外半里雍正志

雲州

知州署 在西門內原係參將署明萬曆二十六年改建清康熙四

十五年知州蔣敷重修雍正志 五十六年知州郎廷棟雍正二年知州

吳元鏊各捐修一次順甯府志 咸豐七年燬光緒元年知州黎德厚補修

光緒志 光緒三十年知州曾楫添修州署外垣一道順甯府志

學正署 在明倫堂後雍正志 清康熙十一年署知州舒暢建明倫堂採訪

訓導署 未設寄居文昌宮雍正志

吏目署 在州署左即舊州同署雍正志 清雍正元年吏目洪國本重修

順甯府志 乾隆五十五年吏目張曾讓重修道光志 以上俱經兵燹燬借住公

所光緒志

廣積倉 在州署左右雍正志

社倉 一在舊城壽佛寺 一在新城東門外雲興寺 一在了口

村魁閣 一在新城北門外迎恩寺 一在猛郎五福寺 一在

太平哨朝陽寺順甯府志

常盈庫 雲州常盈庫會典事例

公館 一在猛郎街 一在太平哨雍正志

養濟院 在州舊城雍正志

回春院 即育嬰堂在舊城雍正志

汛防把總署 在城內順甯府志清乾隆三十年建道光志

汛防外委署 一在遮撥汛 一在頭道水汛俱乾隆三十年建道光志

新纂雲南通志

卷四十五 地理考二十五 官署二

二二一

以上三署均燬光緒志

演武場 在東城外順甯府志

緬甯廳

通判署 在府南三百里緬甯土城內清乾隆十四年建順甯府志即土司

署舊址五十六年通判張德基修建咸豐十年城陷燬克復後仍

就遺址修葺作通判署光緒志

巡檢署 在緬甯城內清乾隆十四年建順甯府志咸豐十年燬今寄居民

房光緒志

豐裕倉 廣泰倉 並在廳署後今僅存三間光緒志

興寶庫 在廳署大堂左右光緒志

順雲營參將署 在城內清嘉慶六年建在廳署右道光二十八年

改爲順甯協經兵燹燬今權寓通判署前層光緒志

中軍都司署 在城內即舊守備署被賊燬現住廳署北花廳光緒志

汛防千總署 一在東門外下盤營清乾隆十三年建 一在甯安

汛嘉慶六年建 一在天生橋汛十九年建道光志

汛防把總署 一在城內上盤營清乾隆十三年建 一在象鼻嶺

汛四十三年建 一在臘東汛 一在南柯汛俱嘉慶六年建

一在撒馬廠汛 一在猛托汛俱十九年建道光志

汛防外委署 一在分水嶺汛清乾隆十三年建 一在圈內汛

一在捲內汛 一在馬台汛俱嘉慶六年建 一在三岔河汛

一在丙野汛 一在霧露寨汛俱嘉慶十九年建道光志 因兵燹燬光緒志

演武場 在城外光緒志

新纂雲南通志 卷四十五 地理考二十五 官署二 三二一

道光志案舊志載順甯府舊制文職各署司獄一大使一俱在府治又州同一在雲州又巡檢二一在瀾溪一在錫鉛今俱裁廢